



Broj: 04-GV-04-1304/23  
Sarajevo, 13.09.2023. godine

*ZAPISNIK O RADU*  
*22. SJEDNICE ODBORA ZA LOKALNI BIZNIS I TURIZAM*  
*GRADSKOG VIJEĆA GRADA SARAJEVA*  
*održane 13.09.2023. godine*

Prisutni:

1. Nermin Džino, predsjedavajući
2. Jasmin Skorupan, član
3. Miodrag Spasojević, član
4. Amina Šuman-Brkić, članica
5. Irmin Pita, član,

Odsutni: Senka Tahmaz, zamjenica predsjedavajućeg  
Almir Softić, član

Sjednici iz Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuje:

- Amer Čaušević, ispred Službe za lokalno poslovanje
- Tahir Fetahović, iz Službe za lokalno poslovanje

Predsjedavajući Odbora je u 12:03 sati otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 21. sjednice Odbora za lokalni biznis i turizam Gradskog vijeća Grada Sarajeva održane 20.07.2023. godine.

Na prijedlog Predsjedavajućeg Odbora, jednoglasno je usvojen sljedeći **dnevni red**:

1. Predlaganje tema za Nacrt Programa rada Gradskog vijeća za 2024. godinu
2. Tekuća pitanja

---

**TAČKA 1.**



## *Predlaganje tema za Nacrt Programa rada Gradskog vijeća za 2024. godinu*

Poslije uvodnih napomena i rasprave, te sažetka predsjedavajućeg, Odbor za lokalni biznis i turizam je jednoglasno usvojio sljedeći **zaključak**:

Odbor za lokalni biznis i turizam predlaže da se u Nacrt Programa rada Gradskog vijeća Grada Sarajeva za 2024. godinu uvrste sljedeće teme:

1. Naziv teme: Nacrt Programa dočeka Nove 2025. godine

Predlagač: Gradonačelnica

Rok: mart

Pravi osnov: Statut Grada Sarajeva

Razlozi za razmatranje: davanje mogućnosti gradskim vijećnicima i drugim zainteresiranim subjektima (gradske općine, Kanton Sarajevo, Turistička zajednica Kantona Sarajevo idr.) da interveniraju na sadržaj manifestacije.

Osnovni sadržaj: pregled događaja kojima će se u više dana obilježiti doček Nove godine s ciljem obogaćivanja i turističke ponude Grada Sarajeva i time zadržavanje turista u višednevnoj posjeti Gradu.

2. Naziv teme: Prijedlog Programa dočeka Nove 2025. godine

Predlagač: Gradonačelnica

Rok: mart

Pravi osnov: Statut Grada Sarajeva

Razlozi za razmatranje: donošenje Programa u potrebnom roku kako bi se na vrijeme mogla izvršiti priprema i organizacija manifestacije u okviru planiranog budžeta u saradnji s drugim subjektima .

Osnovni sadržaj: pregled događaja kojima će se u više dana obilježiti doček Nove godine s ciljem obogaćivanja i turističke ponude Grada Sarajeva i time zadržavanje turista u višednevnoj posjeti Gradu sa subjektima koji će realizovati događaje i pregledom budžeta po svakom događaju sadržanom u programu.

## *TAČKA 2.*

### *Tekuća pitanja*

1. Na inicijativu predsjedavajućeg Odbora usvojen je sljedeći **zaključak**:

Odbor za lokalni biznis i turizam putem Gradskog vijeća upućuje inicijativu Gradonačelnici da razmotri mogućnost izdvajanja sredstava za finansijsku podršku izdavanju magazina „Furaj.ba“ izdavača Arterija, agencije za marketing, promociju i izdavaštvo koji promovira turističke destinacije i turističke sadržaje u BiH, kao i kulturne, umjetničke, sportske, obrazovne i druge sadržaje za koje turisti mogu biti zainteresirani.

2. Na inicijativu člana Odbora Jasmina Skorupana usvojen je sljedeći **zaključak**:

Putem Gradskog vijeća Odbor za lokalni biznis i turizam upućuje inicijativu JPPTTBIH da omogući plaćanje računa za režije: naročito komunalne usluge, potrošnja električne energije te korištenje usluga za telekomunikacije penzionerima bez naknade koj sada iznosi 0.20 KM po izvršenoj uplati

3. Na inicijativu člana Odbora Jasmina Skorupana usvojen je sljedeći **zaključak**:  
Odbor za lokalni biznis i turizam upućuje zahtjev gradonačelnici, odnosno predsjedavajućem Gradskog vijeća da za naredne sjednice Odbora za lokalni biznis i turizam upućuju poziva predstavnicima odgovarajućeg strukovnog udruženja turističkih vodiča u Sarajevu, odnosno Turističke zajednice Kantona Sarajevo kada se razmatraju materijali upućeni Gradskom vijeću iz oblasti turizma.

U raspravi su članovi Odbora iskazali zadovoljstvo primljenim informacijama o realizaciji ranije upućenih inicijativa ovog radnog tijela.

*PREDSJEDAVAJUĆI ODBORA*

*Nermin Džino*

Predsjedavajući Odbora je u 12:23 sati zaključio rad 22. sjednice Odbora za lokalni biznis i turizam Gradskog vijeća Grada Sarajeva.